



ANUNCIO

BASES DO CONCURSO DO CARTEL DO ENTROIDO 2020

VIANA DO BOLO

Con motivo da celebración do Entroido 2020, 50 Edición da Festa da Androlla, o Concello de Viana do Bolo convoca un concurso para seleccionar o cartel oficial do Entroido 2020, con arranxo ás seguintes bases:

1º.- Poderán tomar parte no concurso todos os creadores que así o desexen, co número de traballos que estimen oportunos, sendo condición indispensable que as obras sexan orixinais.

2º.- Os traballos presentados terán como única identificación un LEMA. O incumprimento desta norma será motivo de descualificación. O lema presentarse escrito, xunto co título do concurso, no exterior dun sobre pechado. Dentro dese sobre estará incluída, en papel e en formato dixital a obra que opta ao concurso. Dentro dese sobre maior, meterase outro sobre máis pequeno coa seguinte información: Nome e apelidos; fotocopia do DNI do autor/a; nome artístico- de estimalo oportuno-; enderezo actual e teléfono. Este último sobre abrirase despois da decisión do Xurado.

Os concursantes responsabilízanse totalmente de que non existen dereitos de terceiros nas obras presentadas, así como á renuncian a toda reclamación por dereitos de imaxe.

3º.- O formato será vertical, medidas con tamaño A1 (594 x 841 mm). No caso de que a obra sexa presentada con sistemas informáticos, aportarán ademais de reprodución a cor que reúna os requisitos sinalados, o correspondente soporte dixital de todos os ficheiros necesarios para a obtención do orixinal do cartel.

4º.- As obras levarán como único texto **“ENTROIDO 2020 - 50 FESTA DA ANDROLLA - VIANA DO BOLO. Do 13 ao 26 de Febreiro”**

5º.- O tema será de libre elección e interpretación do autor, debendo recoller o espírito entroideiro de Viana do Bolo.





6º.- *A data límite para a presentación dos traballos e obras é o venres 10 de xaneiro de 2020.*

No caso de envíos por Correos ou por empresas de mensaxería, non se admitirán entregas a partir das 14:00 h. dese día. As obras entregaranse no Rexistro de Entrada do Concello de Viana do Bolo (Rúa Constitución nº14 Viana do Bolo).

7º.- *O Xurado Cualificador encargado de seleccionar o cartel gañador estará conformado por, alo menos, tres persoas relacionadas co mundo da fotografía e imaxe, as artes plásticas, a antropoloxía, a divulgación cultural en xeral e serán designados polo órgano competente municipal.*

8º.- *As decisións do Xurado serán inapelables e faranse públicas a través dos medios de comunicación. De estimalo necesario, o Xurado poderá propor melloras a algún dos traballos presentados para, de ser aceptadas polo autor/a, premialo; ou poderá propor que o concurso quede deserto. Todos/as os/as que concursen recibirán información por escrito dos acordos do Xurado.*

O Concello de Viana do Bolo corraxirá os posibles erros dos textos que figuren nas obras e resérvase a facultade de incluír logotipos ou anagramas na composición definitiva do cartel. A decisión do xurado farase pública (unha vez reunido), na páxina web do Concello de Viana do Bolo.

9º.- *O premio consistirá na edición do cartel seleccionado e nunha dotación económica de 1.500 euros.*

10º.- *O Cartel gañador pasará a ser propiedade do Concello de Viana do Bolo. Dita propiedade inclúe todos os dereitos inherentes á súa libre reprodución, exposición e no seu caso transmisión.*

11º.- *Os carteis orixinais que non resulten premiados devolveranse nun prazo dunha semana dende que se faga público o veredicto do Xurado. Se pasado dita data os propietarios non os recollen, pasarán a ser propiedade do concello con tódolos dereitos inherentes á propiedade.*





12º.- A organización terá un coidado estrito na manipulación das obras recibidas, pero declina calquera responsabilidade por perda, rotura, roubos ou danos sufridos nos carteis durante o seu envío, durante o Concurso e durante a Exposición.

A participación neste concurso supón a aceptación de todas e cada unha das Bases. A interpretación ou modificación, no caso de precisala, das presentes Bases, é un dereito exclusivo do Concello de Viana do Bolo.

En Viana do Bolo, o 15 de novembro de 2020

O Alcalde, Secundino Fernández Fernández

Asinado dixitalmente á marxe

